


Jekkabara



Cikela ceman n'a musoman kunnafoniseben

a be bɔ kalo o kalo

Jamana baarada la BP: 2043 Bamako (Mali)

MALIDENW Y'U KA PERESIDAN KURA SIGI ZUWENKALO TILE 8

Ne 2 - 8

KALO LADILIKAN

Adamaden bεe n'a ka politiki taabolo n'a kecogo don. Bεe koni bε politiki ke. Hali k'i sen bε politiki la, o fana ye politiki kecogo dɔ ye. Min ka gelen, o de ye faso lagosili ye politiki kono. Mɔgɔ o mɔgɔ, n'e de ka wale bεe bε faso nafa sira dɔ fe, i ka politiki kecogo ka ni. Adamaden bεe balokun ye joyɔrofa ye dijɛ sosigi kono. Ni min m'o ke, o de bε wele ko bofu...

Cikelafin Maliki Sidibe
Kucala, 1980 san utikalo tile 5



Fofi baarada ka matelaw (payasi)

D
A
A
M
U
M
A



L
A
F
I
Y
A
L
E
N



M
A
G
A
M
A
N

Aw ka lafiya n'aw ka daamu, an'aw ka dudenw ni dugudenw ka
keneya sabatili koson, a'ye matela Fofi ke aw dalan ye.

AFRIKI
NTOLATANTON
NCININW KA
KUPUBA TANKO
FILANAN KERA
BOSUWANA

Ne 10- 11

Sibiridon, mëkalo tile 24...

Sibiridon, mëkalo tile 24, waati 16 nan tijmelen ni sanga 30 ye, Mali jemufanga sinsinna kokura. Odon de, sariya-kiiriblon ye mëkalo tile 11 peresidan-sugandi - kalafiliw jaabiwi sementiya. Jaabi olu yere cogoya kanma, wuliko filanan ma soro peresidan sugandiko la. Alfa Umar Konare sugandira kokurâ mali peresidanya kanma sanduuru nata la. Kalafilibaga jamé këmetila hake 95 ni murumuru 9 fë (% 95, 09). Ani min tun be kene in kan, peresidanya joyoro nofë, n'o ye Mamadou Maribaturu Jabi ye, o ka soro kera këmetilada 4 ni murumuru (1 ye % 4,1). jaabi ninnu dilen kofe doron, joyororinina mögo filia in kelen-kelen bëe y'u feta fo kunnafonilaselaw ye.

Alfa Umar Konare ye foli lase an ka jamana marayorô seegin kelen-kelen bëe, ani Bamako mara konomogow ma, olu minnu y'u ka danaya d'a kan walima k'a rôkuraya a kan. A ko k'o jamakulutë ADEMA politikitontondénw danma ye. Jekuloton wërew mögôw b'o jamakulu la, hali a kanubaganci gansanw. O kofe, a ye foli ke ka jësin peresidanya jinibaga tòw bëe ma : Seyidu Bajan Kuyate ; Idirisa Trawele ; Alimami Sila ; Muntaga Tali ; Abdulu Wahabu Berte ; Mamadou Maribaturu Jabi ; Mamadou Lamini Trawele, Zumana Sako ; Sogeli Kokala Mayiga. Aye wele fana bila u bëe lajelen ma, u ka na je ka faso baara. Alfa Umar y'a jira baarakelaw fana na, ko fosi te mone bo baara nafama kô. A ko faso ye doni ye min nunfinsigi be fasoden bëe kun. Fen min ye lakolidenw ye, a y'a jinii olu fe u k'u sebë don u ka kalan ma, k'u senbo politiki ni labenbagu jugu bëe feko la. A k'u ma ko tijë don geléya be yen. Nka olu be nögoya



jënini ni jekafô de kono. Peresidan Alifa Umar Konare ye taanu ke Ala ye, o min ka latige y'a to ale bëna sigi Mali jamana kunna sanduuru wëre kono. A ko k'a haminanko ye jamana kono hakilisigisinsinniye. Akokonogoyasira bëna jinii jamana konomogow ka dinenatige la; fen min ye dun-ka-fa ni sigiyorôlakikako ye, k'olu sabatili feëre tigelenw bëna lataa jefë.

Fen min ye Mamadou Mariburu jabi ye, ale y'a jira ko olu ka politikiton (PUDP) yera kalafili ninnu kene kan fasokanu de koson. A ko ko maa si ka nafa te Mali kono balawu la

Akokon'i y'a men politiki ni kalafiliw ani peresidan, ko Mali de be yen. Ni Mali te yen, kuma te ke nin si kan. A fana y'a ka tondénw fo ani k'u walejuman dòn.

Fen min ye nansara - jamana kafolenw ka tona togolamögoye, oy'a jira ko kolosilikela bëe y'a jira ko peresidan - sugandi - kalafili ninnu kera ladiriya kono. A ko k'olu ka niniko de ye jemufanga basigili ye Mali kono,

i n'a fo a kera cogo min sanduuru temennen.

Kalafiliw jaabi dilen kofe ni sanga 15 ye, folisëbenw ye nali damine ka bo dije fan bëe fë : Faransi ; Alizeri ; Lagine ...

I n'a fo jamanaden numan tòw bëe, anw fana b'an ka nisondiya jira peresidan kura la. An b'a jinii a fë, a ka ke Maliden bëe lajelen ka peresidan ye sanduuru in kono, i n'a fo Mali sariyajuba b'o pereperelatige cogo min. An be Ala deli fangakura minnu bëna sigi zuwenkalo tile seegin kofe, peresidan ; depiteblon, mériw... olu ka tali ke politiki temensira bëe la Mali kono : fanga ni fanga sinamatónw, ani jamana mögôladiri wërew. Maa sikana senbo fo ni min y'a yere senbo.

Fen min tòra sisan peresidanko la, o ye peresidan kura ka joyorota ye zuwen kalo tile 8, a n'a ka soro dantigeli sariyasoba jëmaa jëna, tile 2, o don kofe.

Tumani Yalam Sidibe

Zuwenkalo tile 8

In'a fo kow bolodalen don cogo min na an ka jamana sariyasunba fe, jamanakuntigi sigiliiko la, Alfa Umar Konare ka jamanakuntigya sabatili nənajew kera zuwenkalo tile 8, san 1997. Kogó kera nənaje in na jamana Kuntigi saba ka kənəkanye la : Abudu jufu "(Senegalijamana) ; Mahuya Uludi Taya (Moritani jamana) ; Bilezi Konpwore (Burukina Faso jamana). Kənəkelen in kan, maaba caman wəre tun be yen : jamana wərew ka lasigidew ; minisiriw ; politiki nəmaaw ... kunnafoni laselaw, ani Maliden ba yirika caman wəre. A ka masaya sabatili jemukan kono, peresidan Alfa Umar Konare ye foli barikama ke ka nəsin Maliden cən'a musobee ma, olu minnu y'u ka danaya rəkuraya a kan sanduuru wəre kanma, jamana kunna. A ye foli ni walenumandən lase a ka sanduuru fo tiumelen minisiri - nəmaawma uka demenwale kologirin kanma, faso ka taajé kadara kono. Olu ye Yunusi Ture (minisiri nəmaaw fo) ; Abudulayi Seku So (filanan), Bubakari Keyita (Sabanan ni laban). Alfa Umar Konare ma ninə hali fanga sinamatōnw kō, barisa, a yere ka fo la, n'i y'a men jemufanga, fanga n'a sinamatōnw don. A ye taasibila ke ka nəsin balima togodalaməgōw ma, faso doni girin tabaga y'olu minnu ye, nka n'u ka surun bolokofemaaya la an bolo. Sərodasiw ni faso kono jamakulu si ma to ninə minen kono jamanakuntigi ka jemukan kono. A sərola ka Ala deli jamana in ye an'a yere, walasa sanduuru nata be ke həre, ni koto nəgontala ani nəgonmakoto sanw ye. A ko k'a b'a seko bəe ke walasa jamanadenw bəe ka bo jamana ka səro sankortali nunma.

Sani don in yere ce, jamanakuntigi tun ye kasolaməgo caman ka yəremahoronya lasegin u ma, depite Ngolo Sanogo be minnu na. O kera Zuwenkalo tile 8 kadara kono.

An be dugawu ke Ala ka Alfatile sanduuru filananda amucaya, ka həre

caya anik'a nəgonfaamubarika bonya. Alfa ye baarakela ye, aw'a b'a faso fe. A b'a faso ka nətaa fe. An be dugawu ke, i n'a fo Alfa Umar Konare y'a fo

cogo min, an ka jamana danbekərəw ka sementiya senenkunya, ni jekafə ani nəgonmakoto ye minnu rəkologirin dəw ye.

Tumani Yalam Sidibe

Kalafiliw jaabi

Peresidan-sugandi-kalafiliw jaabiw dira CENI (kalafiliw kələsili jekulu) fe jyərəjininaw kunkan. Aməgətan bəe. Nka, ka da məgə seegin ka senbəli kan, sariya-kiiriblon ka jaabi lasabatilenw ye tali ke maa fila dərənpe de taw kan. Alfa Umar Konare ni Mamadu Maribaturu Jaabi. Ni Ala sonna, i n'a fo sariya b'a fo cogo min na, Mali peresidan kura (Alfa Umar Konare) b'a ka joyərətə ka zuwenkalo tile 8. Zuwenkalo tile 9 wali a tile 10, a be səro k'a ka nafolomafenw dantige sariyasoba nəmaa nəna. San o san, o nafolomafendantige be rəkuya a fe. An be se k'a fo bi ko siga bəe bəra jemufanga ko la Mali fan tan ni naani bəe kono. An be Ala deli sanduuru in k'o lasinsin ka t'a fe.

I - Katimu fo: CENI (kalafiliw kələsi jekulu) ka jaabiw ka bən məkalo tile 23 ma

Jyərəjinina	Kalafiliw kəmetilada	Kanubaga hake	Politikitən
Alfa Umar Konare	% 84,36	1 395 581	ADEMA
Muntaga Tali	% 1,83	30 195	CNID
Sumana Sako	% 1,94	32 040	CPP
Mamadu L. Trawélé	% 0,97	16 007	MIRIA
Sogeli Kokala Mayiga	% 1,77	29 259	MPR
Idrissa Trawélé	% 1,17	19 437	PDP
Abduli Wahab Berte	% 1,32	21 860	PMDR
Mamadu M. Jabi	% 3,57	59 001	PUDP
Alimami Sila	% 1,04	17 1234	RDP
Seyidu B. Kuyate	% 1,61	26 565	US-RDA

II - Kalafiliw jaabi, hakew Mali kono ani Mali kəkan

Maraw	Kalafiliw hake sebennən	Minnu ye kalafili ke
Kayi mara	881 749	301 807
Kulikoro mara	793 949	230 383
Sikaso mara	898 880	236 100
Segu mara	819 762	223 214
Moti mara	756 564	244 989
Tumutu mara	335 902	116 410
Gawo mara	294 362	97 095
Kidali mara	42 237	18 106
Bamako disiriki	673 765	116 955
Mali kəkan	333 600	107 223
Kuuru	5 830 770	1 692 282

(A tə be nə 4nan na)

III - Kalafiliw jaabi: sariya-kiiriblon ka jaabi dilen kalafiliw cogoya kan, mëkaio tile 24

Kalafiliyoro hake	10 146
Kalafiliwa hake sebennen	5 426 256
Mogo hake min ye kalafili ke	1 542 229
Woteseben lafilitaw	182 950
Sugandili lafililen hake	257 300
Sugandili sabatilenw	1 101 979
Sugandili hakebada	550 991
Joyoroniinaw n'u ka soro	
Alfa Umar Konare sugandibagaw (O kemetilada ye)	1 056 819 % 95,9
Mamadu Maribaturu Jabi	45 160
sugandibagw (O ka kemetilada ye)	% 4,1

Kolosili: Mogo minnu y'u senbo, olu ma ninyorotigya yan.

Ciklaw ka cikan

Minisiriw kala lada la noggonyeminkera mëkaio tile 21, san 1997, o y'an nisondiya, barisa a for'a senfe ko "ciklaw togoladonw" bëna ke ladalakow ye. Awa-u be sigi sen kan sansaba o sansaba. N'i y'a men ntogolako ma ke, i togolakuma de te fo. N'i togolakuma be fo sanga ni waati bëe, siga t'a la, i togoako be nénaboo don do.

I n'a fo jamana kono tow bëe, gelleyaw be ciklaw fana kan. Nka, min kera an ka fangakura mogow fe sanduuru temennenn kono, n'a y'a soro fanga temennenn tun y'o noggon ke a ka san-mugan-ni saba tilako wolonwula kelen-kelen bëe kono, bi tun b'a soro Mali ciklaw fana be tagamaseereya la farafinna kono, k'a damine nisongo bërebëre binni na san 1992 la, ka temen ciklaw togoladonw fe minnu kera Bamako (san 1993) ani Segu (san 1996), fo ka na se senefenw songo barikali ma ciklaw bolo, ani senekéyöröw labenni Malifan bëe fe, bi an be se k'a fo ko : ni sanjikoro-wocsi te dòn, kenekanko koni ma dabo dogoni kanma !

Tijë don, gelleyakow bë-yen. N ka, ankajamana nemaawb'ofana kalama de. O yere de kanma, yéléma donna

kungodaw ka netaa minisiriso labenbolow la. O de kanma fana, sebe be ka don desantralizasonko la. O bëe kera walasa k'anw kungokon-mögow yere bolo don an togolakow nénabölla; Adamaden togola gelleyaw dòw bëyen, nénaböbagwa wëretë minnu na i yere ko. "Ba ka sulu-kono-bilali ye batigi kunko ye. Nka ba ka yérelaben sulu kono, o ye ba yere kunko ye de"!

Ni Ala y'a ke Alfa Umar Konare ka ke sigibaga ye kokura an ka jamana in kunna, an b'a jini a fe a ka taa nefe n'a



JEKABAARA

1997 san - Zuwenkaloo

ka baaraba jutigelen ninnu ye anw ciklaw kunkan. Ni Ala, dun ye maa wëre de garisege don jamana in peresidanya la, sanduurunata kanma (Mamadu Maribaturu Jabi), an b'a jini a fe a ka na a sen bo Alfa Umar Konare sen dayoro la anw ciklaw kunkan. "kun te don o don forokurabò la, n'a y'a soro some barikama be forokoro la".

Jamana in kolo n'a some bëe ye cikela de ye. A nimayoro don. An ka fanga tigilamögowy'odon ka biminisiri-nemaa Yunusi Ture ka waati la. Awa, ale kofè, ciklaw togolako ma ke bolokofeko ye abada. Jamana körönfebolow cencenkuluw be ka ke jiriforokënnew ye ; Iziniw be ka dayelen CMDT maraw kono fan bëe, ani Mali yoro tow bëe, koori ni senefen wërew kanma, Ofisi maraw maloseneyöröw be ka rökuraya ; siraw be ka laben ka cikeduguw bila njogon na ; duguyiriwatönbëka kologirinya awa, ciklaw be ka kalan yéredemén matarafasira bëe la. Jón ko ko baara ma ke ! Ne min file, n te politikimögoye. Ni politikiton ka tönden ye n ye, o tona ke dowerë ye fasokanu-politikiton ko. Ni baara ma ke lagosili ka ke; nka ni baara fana kera, an kan'o némadogo fana hasidiya gansan minen kono de. O be ke fitiriwaleya ye. Ala dun te fitiriwale fe, sanko a ka kiraw !

Nanbala Fane

Ka bo Kucala (Sikasso mara)
Mali Jamana.

Maliko

Fanga n'a demenjogon politikitonw ka jekulu (CNDP) kumalasela, Yoro Jakite ka kuma don: "Sisan, kow lagelenba ye nesoro. Jamanakuntigi sigira ka soro sariyabaju ma soso". Nin kuma in min, ni Yoro Jakite y'a fo kunnafonilaselaw ye, Alfa Umar Konare ka cedan lasabatilen i koro sariya-kiiriblon fe, o be fen bee pereperelatigé an ye. Ojemukan kelen senfe, Yoro Jakite ye wele gelen bila kokura ka se fanga sinamatonw ma, walasa u k'u joyoro fa kalafili nataw la, ka masoro, n'i y'a men jemufanga, fen fila de basigili sabatira jamana kono : Fangatigilamogow anifanga sinamaton tigilamogow. O de be jamana bali ka se maakelen-fangaya kene kan don do. Osirajuru kelen yere de y'a to, Alfa Umar Konare ka jemukan folo yere senfe, kalafili jaabiw lakodonen ko sariya-kiiriblon fe, a ye wele bila a taamajogonkorow ma jamana kuntigya ninini sira kan : Mamadu Maribaturu Jabi, Seyidu Bajan Kuyate, Abdul Wahabu Berete, Alimami Sila, Muntaga Tali, Idrissa Trawele, Zumana Sako, Mamadu Lamine Trawele ani Sogeli Kokala Mayiga. A ye wele bila u ma, jaabi folen kofe, walasa bee lajelen ka yerekorokunko bilajamanakunkokofe. Anwhakilia, a kafisa fanga sinamatonw ka nin welekan ninnu jaabi fasokanu kono. U k'u yere bo kerefemogoya la, ani ka d'a la ko faso mako b'a den kelen-kelen bee ka hakili-numantigya la walasa here ka basigi badaa-badaa an ka jamana kono. In'a fo Bubakar Karamogo Kulibali delita k'a fo cogo min na: "Fanga tigilamogow ko k'olubé jamana ka here de kan k'a nini fasodennumanya kono; fanga sinamatonw ko k'olu be jamana ka here de kan ka nini fasodennumanya kono, awa ninkalon te nin kelen sita la, awa benbaliya be min?"

An be don min na bi, a ka kan



fasoden bee lajelen ka son folo mekalo tile 11 kalafiliw jaabi ma. Bee ka dije ni a jaabiw ye ka d'a kan, i n'a fo dije-fan-tann ni-naani-fe mogonalenw kolosili kanma, olu bee benn'a kan ko siga ma ke kalafili ninnu labencogo la. Hali ni sariya-kiiriblon ka jaabilasabatili senfe, o y'a jira ko geleyakonin dow ani nabarako kelen-kelenw yera fan dow fe jamana kono, kalafili ninnu senfe, tonsiwalima tonjekulusikajalakibataki ma se u ma o siratege la. Tile tan ni duuru de dun tun be ton bee bolo o kanma kalafiliw kofe. (Fo ka se mekalo tile 24 ma). Awa ni maa si ma kuma o b'a jira ko maa si ma kojugu lakolosi fana de. An ka peresidan min sigilen file kokura sanduuru were kanma jamana kunna, a ka kan an bee ka je ka baara nogoya a bolo. Jamana here n'a fitine te maa kelen si kunko ye. Jamanaden kelen-kelen bee de kunko don. Jamana be i n'a fo jikankurun. A konomogow ye jamanadenw ye. Kurunkonomogow n'u caya bee, u kutilennaw n'u caya bee, siga t'a la, u bee haminanko ye kelen ye: ba tigeko numan. Ni kurun dafirila, o bone te kurunbolila doronpe kunko ye. Awa, ni a tigera kojuman, ofana te kurunbolila doronpe kunko ye. Maliko in bilama b'a wajibiya fasoden ce n'a muso, a denmis en n'a maakoroba bee kan, an

ka fasokanu bo politikiko gansanya dakun na. An bee k'a don ko ADEMA, USRDA, CNID..., k'olu bee nan'an sorofaso Malidenya de la folo. Obetali ke kalafiliw kecogo numan kolosijekulu mogow ka kumalasela ka ladilikan na, ka nesin Malidenw bee ma. Oroberi Dosuy'a jira koni kalafiliw ker'u kecogo numan na, ko geleyako wereye yen Malidenw ka kan ka min kosacon walasa u ka jemufangako ka k'u bolo taareko ye. A k'o geleyako wereye politikiko geleya ye (fanga ni fanga sinamatonwce). Oroberi Dosuka kuma laban na, a y'a jira ko olu ta ye "ko foli" doron ye, ko nonte, se were t'olu ye ka ko wajibiya ke. Tine don, Mali jamana ye jamana koroba ye. N'an y'a min Maribaturu Jabi yere ka fota ma, Mali jamana be yen ka bi san 3000 bi! Awa, dije bee benn'en b'a kan ko "neyelen" (Siwulizason) jujonso do ye Mali jamana ye. Tariku bee benn'en 'a kan ko mara kera Mali jamana kono ka kon Sunjatatile (1233) ne ni san 1200 ye. N'an taar'o sira fe, o b'an lase Nabila Isa bangesan waatiw la. Awa, k'a ta Baramadana na, ka na se Sunjata ni Sumanguruw la, fo ka na se Babenba, Ceba, Samori, Firuni, Kaya Magan Sise..., Mamadu Konate, Modibo Keyita, Musa Trawele fo Alfatile sanduuru folo, bee benn'en b'a kan ko

KA SE DUGUW MA



№ 6

JEKABAARA

1997 san - Zuwenkalo

U ko...

Duniya - duniya, ko saba de bë dijnënatige la: jigi ni kanu ni danaya. Kanuntigya mana mogofaga; i ma jufa.

Mori Kante
Lagine döñkilidala dō

Nefaninba konkannidungofenw fō. Ne nidungofen man ca: to ye kelen ye; na ye kelen ye, awa sungurun numan fana ye kelen ye.

Turupu Kumi Jose
Bamako (wolobugu kin)

Ni baara t'i la i ka jarabi muso la min t'i fe, ni baara t'i la i ka jarabi ce dō la min t'i fe. Ne ma kanu fasaman nogon baara ye!

Abubakar Denba Kamara
Döñkilidala nana, ka bō Lagine
(a faatura)

Kuma ma ni, kumabaliya ma ni. Munye ne sirankuma ne? Barisa fen bē b'a denwolo, nka kuma b'a ba wolo. Awa, si bē kuma la n'a fobaga ye. Awa fen bē bē kōrō fo kuma.

Piyeri Sidibe
Arajo Kledu

Ko terejuguyafo de b'a ban. Malo koden bē, nka saya koden te. Sida ye bōne de ye min bē jenogonya kuntaala lase sayajugu dimi n'a lebu ma.

Nogolon "Sidaso"
Mali telewison juma k5/t23/s 97

Muso ye fenba ye. Musoko y'a danma koba ye. Ale kekojuman b'i ni daamu to badaa-badaa. N'ka kekojugu b'i da bō dinon na k'a fa kaburu bugiri la.

Musa Ben Hayidara
Ka bō Masina

Politiki ka gelen, a ka nogon. N'ka dōnbaga jōnjōn de b'a kecogo lakika dōn. N'ka kundira a dōnbaliya ma, o b'a mine fatiye ye.

Kucala cikelafin Maliki Sidibe

Mali fangabolow ma deli ka kē marako gansanko ye. O rō sa, cogodi, bi, anw ka jamanaba in bē kē "surejamanaw" misali ye, k'o sababu kē politikiko gansan ye? Aka kan bi, bēe lajelen ka jidōnin k'a ka bōrekōnofen na fangatigilamogow ni fanga sinamatōnw, fo ka se fasoden-tōn bēe ma. Yalian ka cēkōrōba dōnnikelaba in ma deli k'a fō wa ko: "Malidenya ye sōnfēn de ye Ala ma min don a ka dafēn bēe garisēgē la? An ka d'a la ko Amadu Hanpate Ba ma kuma in fō gansan. Ale ma deli ka dōn ni kūnfekumafōbagaya ye abada. Sēnenkunya ni hōrōnya ni jatigiya bē Mali de kōno yan. Malidenw de y'u ka fōnogonkōkōw nēnabo, uyēre nagakōrō, sanga ni waati bēe, badenyabulonw kōno. Amadu Tumani Ture ka welekan min nēsinna Mali kotigiw ma, fanga ni fanga sinamatōnw, o ye legesē ye. "Mali ka kōrō ni fōnogonkōkō ninnu bēe ye. Awa Mali de y'an bēe lajelen ka dijnënatige baju ye. O rō, a ka kan jemufanga dungew (n'a y'a sōrō olu tigitigiw don), ka bēn ko la walasa k'an ka jamana kisi ka bō sokonokēlē ma, an magonanko girinw caya kanma". Adamaden yēre de nina ka teli. Walima hasidiya de b'a to a ka kuma fota n'a ka ko kēta te taa nogon fe? Nōntē, san 1992 kalafiliw senfē, yali Muntaga Tali de m'a nini ko "Ala ka Mali kalifa mogō ma, mogō min n'a ka kan wa"? Nka, bi, nina bē ka k'o kuma kō. O Muntaga Tali kelen de y'a fō san 1996 la i kōrō tugun, a ka tōn-kōnō-gēleya-kiirikēnē kan ko: "anw Senidi (CNID) mogō hakili latigēlēndon, ka masorōandalen b'an ka sariya tigilamogow la. N'olu ye ko fō k'a bila yōrō min, anw bē dijē n'o ye". Yali peresidan sigili fana latigēbagaw tē sariya tigilamogow de ye wa? An bē se k'a fō, i n'a fō depite Taliy'a balimake Muntaga Talimajamu cogo min na depiteblon kōnō ko: Muntaga ka kegun awa hakili numan b'a la. Nka, n'a m'u kē ka gēleya don faso Malikōnōkōw la, a t'u kē abada ka nogoya don u la. O ma ni!

Yali an bē tijē di Musa Trawele ma

wa a ka kuma fota la. A ko: an bē jemufanga min nini o sabatiyōrō ye politikitōn-kelen de kōnōnaye (UDPM). Nōntē an ka nafa tē politikitōn camanko la (sisan)". Aa, Mali jemufanga dungew, a y'a dōnkojamana tē labaara i n'a fō du dē.

Alfa Umar Konare tēgē jannen

Bi, n'an y'a mine Alfa Uma yēre la, mogolatōmōn yētaaboloye Mali nimir man kan. Fasoden bēe joyōrō bē Mali kōnō. Awa, Mali mago bē faso den kelen-kelen bēe la bi. A man kan mogō si k'i yēre ke bilankōfēmogō y'o la, nōntē tariku b'o tigi nangifo nangicogo jugu. Bamananw ko ko: n'i ko k'i t'a fē ka nakantigi y'a ka nakan kēnē kan, fen saba bē yen, Ala b'o dō rōkelen k'i la k'a to nakantigi k'a ka nakan nēsōrō. I bē sa, walima i bē bana, walima i bē malo. Nōntē nakan bē temen n'a ka sira ye. An bēe ka kan k'a dōn ani ka d'a la ko: n'i y'a men ko fadenw ye n balin ka fen na, Ala de m'a k'i t'a yēfōlō. O rō, a y'a di min ma, an ka je k'o demen ni kōnōnajeja ye a ka baara la. N'o kēra jama bē da an yēre la, barisa mogō bēe n'i lakōlsibaga don. N'an dun ma ko wēre nēsōrō hasidiyajugu gansan kō, an bē mogō latigē an na fana dē.

Bēe kolosibaga b'i kō. Nin yōrō inna, an bē makoto nini faso kanubagaba dō fe. O ye Senegalikaw ka fanga sinamatōn jēkulunēmogō Abdulayi Wadiye. Kalafiliw waati la, a b'a joyōrō fa joyōrōnini na. Nka kalafiliw kōfē, a b'a joyōrōfa fana fasobaara la Senegali peresidan dafē. A bē fō de m'a ko "nētāa politiki". Yali kōtāa politiki de b'anw fe yan wa? N hakili la, don dō, Muntaga Tali n'a jenogonya bēna n jaabi o la. N ka, bi, fen min ye tijē ye, o de ye ko peresidan Alfa tēgē lasamannen bē fasokanubaga bēe ye. Fanga sinamatōnw man kan cogo sila k'o tēgē o minēbali to.

Kalafili nataw

I n'a fō Yōrō Diakite y'a fō cogo min ha. Bi fanga ni fanga sinamatōnw bēe

ka kan k'u seko damajira bëe ke, walasa kalafili nataw bëe ke bëe lajelen fe. Despite-sugandi-kalafiliw minnu bolodalen bëe kokura zuluyekalo kono, ani meri-sugandi-kalafiliw, minnu tun bolodalen bëe ka ben zuwenkalo tile 1 ma, nka n'u bor'u dogokoro. Politikiton bëe lajelen ka kan ka ye kalafili ninnu kene kan. N'a min ma soro kene in kan, o b'a jira ko halibi politikimogow b'an bara yan minnu ma politikiko yere faamu. Mogo te politiki k'i yere kanma, i n'a fo peresidan Hameddi Seku Ture delila k'a fo cogo min na Lagine. A ko ko: politiki ye jamako de ye. A wuliyoro ye jama de ye, aw'a basigiyoro ye jama deye. Nipolitikkera maakelenko ye doren, o b'a jira k'a kera "fadenko" ye!

An bëe yoro min na bi, do ka kan ka fo "Jia n'a celakaw" bëe ye Mali polikimogow kunkan. In'a fo Yoro Jakite y'a fo cogo min na, fanga tigilamogow k'a don ko jemufanga ye fanga n'a sinamatonw bëe de ye kene kelen kan. Awa, peresidan Alfa Ummar Konare k'a ka kumakan fana bo a sira fe fanga sinamatonw joyoroko pereperelatigeli la. Barisa, i n'a fo a yere y'a fo cogo min na, "ni kumayoro bëe datugura fanga sinamatonw ye jamana kono, u kumayoro bëe ke nbeda ye". O man kan an ka jemufanga ma; o ma ni an ka jemufanga ma.. Awa, fanga sinamatonw fana k'a don ko: politikiton sigikun ye joyoroko de ye, sariya kadara kono i n'a fo Seki Anta Jopu delila k'a fo cogo min. Ni politikiton m'a bolo moono bo joyoro nofe, a be silatumu. Awa ton si man kan ni kerfebilä ye fo n'a min y'a yere bila kerfe. Waranin min dun man'a yere lase kuncili ma, nama t'ola de. An ka politikitonw bëe ka kan k'a don bi ko a man kan olu yere jogojugu ka ke sababu ye ka na ni maakelenfanga ye an ka jamana kono, maa kemé yirika faatulen k'o o kéléli la 1990 ni 1991 sanw la. N'o kera Arrahamatulahi Danbele ni Iburahima Li ani maa caman were be jigi u la. Wikitori Si, Abdramani Baba Ture aw ko cogodi o la?

An bëe jemukan in laban ni Kucalakaw ka cikelafin Maliki Sidibe ka kuma ye, a ye min fo n ye 1980 san na. A ko "n dögö, politiki ka gelen a ka nogon. Nk'a donbaga jenjen de b'a kecogo lakika don. N'a kun dira a

dönbali ma, o b'a mine fatijé ye". N hakili la, o t'an ka politikimogow ta ye.

Burama Balo
Ka bo Kolokani


USRDA, ADEMA ani FAN-SITONW

USRDA ko ale bëe fansitonw (fanga sinamatonw) cerò bi. A ko k'ale ye fansitonw ro kologirin do ye. O bëe mun jira ni USRDA ka filinyerema te. USRDA dun te se ka fili a yere ma. A nemaaaw de bëe filiuyerema. A nemaaaw bëe fili u yere ma, ka masoro u bëe konojuguya kamanagan kene kan. U b'a fe ka USRDA ke tonso ye : kono-dönbagalafili. Mun bëe sen se ne ma ni dakojuguya te. Mun bëe USRDA lase fansitonw jamakulu la, ni bilakojuguya te. ADEMA ni USRDA te doweré ye badenmatonw k'o, minnujujón be nogon



Peresidan Modibo Keyita

na, n'u kuntilenna bëe fana ye kelen ye. Bi, nemaa jugu döw bëe yen minnu b'a fe ka siga don o tije bererbere la. Mun dun kera ? Yali an ka kan ka USRDA to nemaa juguw bolo u k'a talon-talon k'a lase u nenayorow bëe la



Peresidan Alifa Umaru Konare,
Modibo Keyita tjetabaga

wa ? Ayi, o man kan. N'an y'o ke, an bëntumu jugu don an nemaaabaw dabolo la u ka kaburu kono de. N'an y'a ke, an bëjigilatige banbalike Mamadou Konate ni Modibo Keyita danogony'ukà kaburu kono. Mamadou Bamu Ture ye min fo tije don : USRDA ka kélé te donniko gansan ko ye goferenaman na. Nk'a ma min fana don, walima n'a b'a don k'i ne tugu a kan, a de ye ko : USRDA te ton ye min ka kan ka to hasidiw bolo ani nininyerew, walasa olu k'a ke u ka jamana dafiri kelbere ye gansan ani fufafu kun kan !

Ala ka USRDA deme, k'a taasira bererbere jira a la

Brulayi Fonba
ka bo kókeni kura

N balemamuso ni balemacew, aw ni baara

Kalo temenn, ne ye misali damado fo aw ye musow ka konseyeya baara kan dugumisenninw kono. Bi, n bena doonin fo aw ye u ka o baara kelenw kan dugubaw kono.

Bee be kule la dugubaw kono bi sosoko la. Musow de ka kule ka jugu ni bee ta ye, barisa denmisenninw de ka bana ka ca sosocinda fe. Soso dun be soro mun fe.

- Jinogo - namanw - wuluwuluj... Nin fen saba ninnu bee ye konseyew ka baara doye. Naman bonyoroko, jinogo bolisirako, nin fen o fen kumaw mana wuli, musow de be s'o foko numan na ka temen bee kan.

- Yoro bee te denmisenninw tulonkeyoroye. Wala ka latig, fo yoro kerenerennen de ka bila denmisenninw ka tulonke kama. O yoro suguya ninini ye konseyew ka baara doye. Musow ka telin o fe ni bee ye.

- Musow de segennen be luwaneko la ni bee ye bi. "Duteren" dicogo numan mogow ma, u k'a jo ka bo luwanse la, o hakili numan be musow de bolo.

Nin kuma minnu folen file nin ye, olu n'u nogon caman, i n'a fo "worobinekow, yeelenkow, ferebakow, lakanali cogo lakolisow la, musow de nogon t'o baaraw la.

O de la, n ye a fo n ka kuma daminen kalotemennen komuso be se ka konseyeya baara ke fo k'a ja. U ka baara ni cewta de be nogon dafa sigidaw la.

Sisan, ne be min nin n balemamuso fe, an ka an bolo di nogon ma, an ka nogon demen, walasa muso minnu ye faamuyali ke doonin, olu ka suganti ka ke konseye

ye, an tow ka se k'u demen, u ka baara la. An ka baaraw ke cogo numan na konseye kuluwla, walasa an ka sigidaw be bo nogon la.

Aw k'an ben tuma were.

Taa Sakiliba

Taa Sakiliba

I ye min seben Jekabaara ka marisikalo temenen boko kono, o diyara anw Jelikaw ye kosebe. Musow ka bongola tese ka sabati cogo si la musow yere ko. Olu dun fana te se ka ko ke, n'u ma joyero soro sigida koponabolaw la. O koponabolaw rukologirin do ye konseyeya ye. Anw bara yan, o daminen ka ban. O daminen Ala ni desantalarizason barika la. I ni ce.

**Bintu Dodo Danbele
Ka bo Jeli**

Musoya

Dugaba kono musow ka dunukan ka di anw togodala musow kun kan, nka kise t'a la. N balimamuso Taa Sakiliba ka bataki kalanna an fe, musow ka konseyako la dugu misenw kono. A ka kan duguba-kono-musow k'a don, k'olu ka timinandiya de be se k'o lase anw ma don do. U kan'u ta ke anw togolakuma gansan foli ye, walasa k'u joyero n'u ka soro an'u ka adamadenya makaran. Nka u k'u ka fotaw waleya, n'o kera anw be bo nogon la.

**Jaminetu Fonba
Ka bo Bereko arondisiman na.**

Jemufanga n'a sinsinnanw

Jemufanga sinsinnan ye kalafiliw ye. An be don min na i ko bi, faso Mali ka 1992 san nemaa sugandilenw ka mara waatisarati dafara, o siratge la, kabini 1997 awirilikalo tile 13, nemaa kuraw sugandi kalafiliw dabora. Nka, a ko fongonko cayara kosebe. Bi politikitonw bee dalagese kelen be sariyako ye, walasa ka fotaw ni ketaw son ji la.

Fanga sinamatonw y'u furuku, n ka o be n'a ta Jamana Kuntigi sugandi - kalafiliw kun folo kera 1997 Mekalo tile 11 i n'a fo a tun bolodara cogo min na sariya fe. Jamanadenw y'u sagonna nemaa sugandi ka bo nemaya nininbaga mog 10 cer. Jamana kuntigi sugandi kalafiliw kera mog 10 de nin jecou ce, bawo wote don, mog tan ninnukelen-kelen bee t'ogola seben tun be sugandili kene kan. I n'a fo jamana sariyabaju kunnasigi jekulu y'a ninin cogo min. Owaleya b'a jira ko maa 10 de tun koko dalen be nogonna jamana kuntigya ninini kanma. Jamana sariyabaju kunna sigibagaw de be kalafilikow jaratiye, olu doron de yamaruyalen don ka wote kelen jaabi seereya.

Ni Jamana sariya baju kunnasigi jekulu ye 1997 san Mekalo tile 11 Jamana kuntigi sugandi kalafili kelen jaabi seereya, siga t'a la, fanga min man'a bo o kono, o fanga be ke yere-wolo fanga ye, finje te min na sariya hukumu kono.

Jemufanga lakika barika be bo jamana kuntigi sigili la jamanadenw fe kalafiliw kadara kono.

Ni jamana sariyabaju kunnasigibagaw ye kalafili jaabi ka jelenya seereya kunceli kofe, kalafili jama dogoya te baasi ye, o te se ka ke finje ye kalafiliw ma.

1997 san Mekalo tile 11 kalafili kebagaw dogoya, nka o jama dogoya kun ma bo fanga sinamatonw ka

furukuli dörön na, kun wrew b'a la, bawo jinan san jama bölen cayara yere ka temen 1992 san jama kan. Min jelen don nin ko in na, o ye de k'a fo ko Maliden caman böra ka taa u ka sugandili ke u fere ma. hakili latige kono.

Kalafili kojew kôlosijekulu dunan minnutunbekenekan, oluyenogoyaba kôlosi Mekalo tile 11 kalafili labencogow la. Awirilikalo tile 13 kalafili geleya caman dabenna. O geleya minnu kera sababu ye ka o jaabiw lafili ka seginnkanni boloda

Politikiton ye maa jekuluw de ye minnu jelen be hakilinan kelenw matarafali n'u lawaleyali kanma,

politikiko kadara kono. Ojama jekuluw b'u jeninyoro fin Jamana taabolow fe jemufanga hukumu kono. Politikitonw sigikun döw ye kalafiliw waleyali ye. Osiratge la, u ka kan ka u ka cebow sugandi k'olu bila kalafiliw k'enew kan. O temennen ko, politikitonw ka kan ka u joyoro fa kalafili kelenw jama sôrolen kojew wolomali la, ka kalafili kebagaw ladamu kalafilikokan k'u kunnafoni kalafili taabolow kan sariya kono.

Ni politikiton min y'a ban o baaraw ma sariyablonba lasigiden sugandi kalafiliw ni kinkuntigi sugandi kalafiliw senfe,

O Politikiton se b'a yere la, nka a te se ka ton tow bali k'u joyoro fa kalafili

hukumu kono.

Faso jama be fanga kalifa a sagonna nemaa de ma, min n'a ka kan. An be jemufanga kadara de kono koronni te min na. Fanga taabolo si te seka sagon faso jama kunna, kalafiliw y'a ka josira ye min b'a sen donni yamaruya faso kunkantow n'enabolila.

Fanga sinamatonw ni fanga baarakelogo tonw minnu mana u ka cebow bila kalafili kene kan, faso jama b'a sagonna nemaa sugandi olucero ka fanga kalifa olu ma san 5 nataw kono.

Idrisa Senu

FARIKOLONENAJE KUNNAFONI

AFRIKI NTOLATANTON NCININW KA KUPUBA TANKO FILANAN.

Samatasäge ncininw y'an kunnawolo

k'a ta Mekalo tile 7 la, ka taa a bila a tile 24 na, Afriki ntolatanton ncininw togola kupuba tanko filanan n'enajew kera Bosuwana jamana faaba "Gaberoni" kono.

Kodowari, Gana Ezipti, Bosuwana ni Mali jamana ntolatanton ncininw cedenw y'u kogo da nogon na kupuba in yalonni kanma. Kunnafoni siratge la, kupuba in n'enaje folo kera Mali kono yan san 1995. Gana Jamana cedenw kera o tanko folo nana ye. Jinanntolatanton 4 kofolenninnucero, Ezipti jamana kera nana ye. Samatasäge ncinin cedenw kera nana filanan ye, o be u yamaruya ka se ntolatanton ncininw togola kupuba were kene kan, dije seleke 4 ntolatanton ncininw bee soro yoro min na Ezipti jamana kono.

Ko waranin min b'a magan, k'o be bonin sima ke, Bamananw ko ten. Cesiri ni dusu de kera samatasäge ncinin ka joyoro filanan soroli sababu ye. K'a bo Bosuwana jamana la, ntolatan donbagaw tun ma sanga-nogonma-yoro ye samatasäge ncininw



ni kenekan ton tow ce ; k'a da olu mankutu kan dije ntolatanko kadara kono.

1997 San Mekalo tile 8 don kera Samatasäge ncinin boko folo ye ntolatanfera kan. O don, u ni Ezipti cedenw ye ladala sanga 90 kolonkolon ka ban, k'u kodon nogon na kuru fu ni fu kan.

Samatasäge ncininw boko filanan

don, u ni kodowari jamana denmis en galabukene y'u kodon nogonna kuru fu ni fu.

Fen kelen ton fila !


Afrikintolatanton ncinin ka Kupuba cerotige ntolatanw kene lasoroli kanma, samatasäge ncinin cedenw ye tege ke Bosuwana jamana ntolatanton cedenw na u yerew ka jama n'ekoro. Nin don, Abdulayi

Kamara ye Bosuwana celu yaara ntolatan wuliko fôlo sanga 5 nan na. Wuliko filanan sanga 15 nan na, an ka cedenw y'u ka kuru dafa fila la. Nogonkunben ladala sanga 90 foorilen samatasègè ncininw ka se la, se min kera fén kelen tóno fila ye. Tóno fôlo kera cerotige ntolatanw kéné lasoroli ye, filanan, dijé seleke 4 ntolatanton ncininw ka kupuba nata bë ke an ka denmisenw fë, Ezipti jamana kono.

Dögoya te kélé sa, dusuntanya de ka jugu.

An ka samatasègè ncinin cedenw ye nin ntaalen koro tijetigiya u ni Gana jamana denmisenw ka nogonkunben senfè Afrika ntolatanton ncininw ka kupuba cerotige ntolatanw kàdarakono. Sani a don nogonkunben ká ke, ntolatan donbagaw tun matanga da Samatasègè ncinin cedenw kan k'o sababu ke Gana jamana cedenw mankutu bonya ye. Nka ntolatan ladala sanga 90 bangera tijé kura la.

Mali samatasègè ncininw ye kuru fila kerun Gana celu kono. Mali ka kuru fôlo donna ntolatan wuliko fôlo, sanga folow kono. Nka o ninsöndiya kuntaala ma janya bawo onogoni na, Gana cedenw nan'o nonabila nogonkunben wuliko filanan na, samatasègè ncinin cedenw ni Gana jamana cedenw ye nogondere fo o sanga labanw kono. O tuma de Abdulayi Kamara, n'a tolodow ye do fara Mali ka kuru kan. Gana cedenw ye comini ke ka wagasili ke, o woosijikenetige ma mako ne. Ntolatan kuncera Samatasègew ka kuru 2 kan, Gana cedenw se kera kuru kelen ye. Sibiridon, 1997 san Mekalo tile 24, Samatasègè ncininw ni Ezipti jamana cedenw ye nogondere Afrika ntolatanton ncininw ka kupuba tanko filanan kupu yalonni kanma. Ko dòw be dijé na, maa ka kan ka niné minnu ko joona, u dusukasi bonya koson. O kera Mali Samatasègè ncinin cedenw ni Ezipti jamana cedenw ka sibiridon



nogonkunben kuncecogo ye. Gana cedenw waanew binni koba kelen ko, ka nena jslabenjamana Bosuwa cedenw tege ko o ka jama nena, Samatasègè ncinin cedenw desera ka kupu yalon ka bo Ezipti jamana cedenw ne kan. Foyi ma mögo lasomi nin bincogo la, bawo cedenw tun galabu ka kéné, u tundusulaminen don fana. Nka obes n'a ta u ye ntolatan ladala sanga 90 ban boli la Ezipti jamana cedenw ka kuru kelen donne nonabila nöfe, ka dese co. Ezipti jamana kuru kelen Mali kuru 0. Nogonkunben kuncer'okan. Ezipti jamana ye kupu yalon, Malikera tonjana filanan ye, ka Gana jamana da o kan. 1997 san setanburukalo kono, nin ton kofolenw be na taa nogon soro Ezipti jamana kono dijé seleke 4 kupuba nena je kanma.

Sanni a don ce, an ka je ka denmisenw senkoromadondon, k'u dusu lami, bawo sebekesen b'u koro, ni tali kera ninan nena je taabolo la. Ntolatan te suyalako ye, Garisekèlako danma fana te, a ko be laben de bolo. O tuma, an b'a fo samatasègè ncinin cedenw degelibaga Mamadu Kulubali ye, k'a k'acésirivalasa an ka kunkorota wëre soro, min daraja ka bon ni joyorofilanen ye Samatasègè mankan cedenw

desera u togola kupuba cerotige ntolatanw kéné lasoroli la Maroku jamana kono. Yen, u ye bozo saba de kefere kan. Filaninbinfila, binko kelen. Nin sebagaya ma ka di, binni ka kan ka kunben ni hakili ye. An b'a fo u ye k'u k'u banban don nataw kanma.

Bakari Sangare

Jekabaara ko di?

A ko fôlo:

Ko ka cikefeeuw jensen cikelaw ce ni kunnafoni geregere dili ye u ma;

A ko tugun:

Ko ka sigidaw konsigi ladiya u sigibagaw bolo, ni keneya ani jelenya ladamusiraw kofoli y'u ye;

A ko fana

Ko ka jemufangan lasinsin ni bee lafaamuyali ye josiraw ni waleyasiraw kan.

N k'o k'i ka n son lafiya la, i ka fən di n ma, ne ni n nɔgɔnnaw bəe be se ka bə min nunma. Waawere ye nin kuma ke k'a ka jine cekoroba jaabi. Jaabi diyara cekoroba ye; oyorobee a y'a bololanegē kelen bə k' di waawere ma, k'i kanto ko : waawere, i hakili ka bon, o y'i ke danayamaa ye. Bololanegē min file i bolonin ye, oyehere suguya bəe sababu deye. N'isera a kecogola, i be kefeyen, i nəmogow b'i lakodon, wa u be bo i nunma. Bololanegē in sababu be fenmayelemamusodela. Anka masake ko ko ka minijan də yelema ka ke muso ye i be min furu. Okuma fo, ani cekoroba ka minijan də yelema k'o ke dakabana npogotigi dawulama, sarama ye, o si ma kɔrɔya ni si ye. Npogotigi nin ce nəkojugu koson jine cekoroba tununa waawere ninema k'a to fileli la.

Nin don, su kora waawere la bagenyɔrɔ la Yanni a ka ye, Jagelenna ce n'a musow y'udarɔkan bəe fo. Dəw ka fola, jinejuguw y'a min. Dəw ko k'a tununnen de be sɔrɔ. Woroje y'a jira k'ale ka baw de fərela ale ma ko n'ote k'ale tun sigilen be nin waawere ka tununni ye; bawoko adamadente. Tuma min waawere n'a ka dakabana muso ye folike, a kera i ko kabakurun filila ntoriwcero. Lakalita-nininaw, a fəbagajugun'a fəbaga numman bəe y'ikə sewu. Walasa k'a ka maloya latemen ani ka siri bə du kɔnɔ mɔgɔw la, woroje fora ka wuli ni dogobere ye k'a kunda waawere kan.

Fili seegin be Banu ka nəgen fila ninnu ni nəgon ce, aw y'u nini (jaabi be boko nata kɔnɔ)



Nan kama

(Boko sabanan)

Lafarabagaw girinna. O si ma mago ne. Woroje ye bɔne suru waawere kan fok'a hiine don mɔgɔw la ; ka tila k'a ka fininasirinin ta k'o fili a ma, k'a ka taa so nini a yere tɔgo la.

Nin don sufe, minijan - npogotigi sarama ye waawere joginnen sənsən ka kungo səgère. U yɔrɔ janyalen dugu la, a y'a təge ke ka waawere jogidaw lace k'u latunu pewu, o kelen, waawere y'a muso tɔgo da ko Manija.

Manija n'a ce ye kungo yaala dibi la fok'a t'a bɔ fuga kəne də kan. U sera yen tuma min, waawere y'a ka nəgəbɔ k'o majamu. Yanni majamuni ka ban, dakabana so cejin də funtira ka bɔ dugu jukɔrɔ ; a n'a masiriw n'a kɔnɔ fənw. Waawere ni Manija donna u ka so kɔnɔ. Dogokun be dafa tuma min, jagelenna dugu mɔgɔw bəe ye waawere ka buguda lakodon bawo dijə daamu bəe də tun be sɔrɔ yen. Donsonw ka makutunbə temenni, mɔgɔ werew y'u kunda waawere ka yɔrɔ kan. Taabaga bəe ko k'ale be taa nənasuma nini.

San be dafa tuma min, buguda kera dugu ye min tɔgo dara ko nəsumma k'a dugutigi ke waawere ye. nəsumma dugu bonyara k'a tɔgo fana labɔ kosebe k'o sababuk'e dugun'a masake ka numanya

ye. kɔngɔtɔ tun te yen, feerotɔ fana tun te yen. Waawere barobaga cayara. Su ni tile mumɛ, kankɔrɔsigiw ni dugu moriwi tun be waawere ka blon kɔnɔ. Min be ke, wa bəe b'i da sago fo fana. Don do sɔgɔma, waawere n'a barokənɔgɔnwbəs y'u min k'u fa, ka kuma kalantanfɔ damine. Osene, Barokela dɔwy'u waso n'u ka bagantigiya ye, dɔw ko forow b'u fe, dɔw fana y'u wasa n'u ka kogelen kelenw ye. Nin don, waawere y'a waso n'a muso Manija de ye. A ko Manija nəgɔn te nəsumma musow la. Sara ni dawula temenni ko, Manija joko ka ni waawere koten. Barokela dɔw ma baasi ye nin kumaw la, nka a ye dɔw sɔn sige ntəgenen gonikan bawomusobə, muso wəre bə. Ce kelen tun be waawere barokəbagaw la mintun tɔgo ye Daame. Kuma fəlen ninnu ye Daame səbekɔrɔ tɔrɔ, bawo ale muso tun ye bolonkoni taamaseere ye ; o koson a y'a bisigi ko ale kɔromatigetɔ de tun don. Daame ye kuma ninnu mara a sɔnninw kɔrɔ.

A to be kɔ

Bakari Sangare

Jekabaara

Labolikuntigi

Tumani Yalam Sidibe

Səben nəkulukuntigi

Tumani Yalam Sidibe

Səben nəkulu

Bakari Sangare

Amadu Gani Kante

Bakari Kulubali

Idirisa Senu

Nəgenw kəbaga

Nuhun Madani Tarawele ko Banun

Baarakənɔgɔn

MAKOCI, SNV, OCED

Hakəbota:

11 000

CMDT mɔgɔ minnu ye səbenni ke boko in kɔnɔ

Madu Yusuf Sise

Dawuda N. Dawo

Adama Tarawele

Mamadu Jalo

Yusuf Jime Sidibe

Siyaka Jara

Nanpi Sanogo ani Drisa Jalo